


(D6280/3691)

Harvard College Library Imaging Services <http://imaging.harvard.edu>

CM	0	1	2	3	4	5	6	7	8	9	10	11	12	13	14	15	16	17
Lab D50 2	95/0/2	81/0/0	66/0/0	51/0/1	35/0/0	20/0/0	29/19/54	55/39/33	40/9/43	52/48/17	82/4/79	51/50/13	50/-28/-29					
	38/14/16	66/16/18	50/-5/-22	43/-14/21	55/-9/-25	71/-32/0	62/34/60	40/9/43	52/48/17	31/21/-21	72/-23/57	73/19/68						



CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY
NOV 16 1941

刻春秋貫玉敘

哈佛大學漢和
圖書館珍藏印

明興述作大備學士大夫浸淫
經術靡不探賾鉤玄以窺聖
賢之奧抉性命之微而體裁
義例亦徃徃人自為政要以
發明典義羽翼鼓吹令後之

春秋卷三
學者得有所遵途而宅秘總
之有功聖經相輔而行非曼
衍也春秋一經夫子因魯史
舊文而筆削之所謂華袞鈇
鉞寓於一字者其旨甚微左
氏博採列國事實附經為傳

俾讀經者緣傳溯旨而聖人
之心法炳然耳目間期於使
自得之毋事繁稱然以編年
為體一事之始末而不無前
後紛見一國之舉動而不無
彼此錯出義為重事為輕其

體然也我

高皇帝覽讀至此意有未厭爰
命儒臣傅藻編摩彙萃按各
國而臚列之以便稽考顧其
本不流傳學者罕得覩焉侍
御顏冲字先生邃學名儒潛

心經傳曾於居廬日輯為春
秋貫玉以周崇大統以魯貫
列國旁採公穀諸傳有裨於
經者曰左附見而當時諸侯
群辟行事之實一披閱若按
畝而可覆也斯不亦窮經之

指南而窺聖之階梯乎哉余
惟作經之體主約附經之傳
主詳傳依經以成文其體方
貫玉隨傳以輯事其體員是
故左氏之文網羅國乘搜剔
異聞近艷近誣世多所譏而

一 文告辭命攻伐機權或點綴
二 于經文之中或游戲於經義
三 之外諷詠之際情景耀如以
四 詳輔約胡可少也貫玉之書
五 引繩披根串合終始程日程
六 歲事多希闊而成敗得失興

亡治亂若影響之立符若首
尾之相應循環之頃始末昭
如以員輔方胡可少也左氏
為有功於春秋則貫玉有功
於左氏信矣世之慕說是書
也已久乃其板獨存中州所

及非廣方岳史公慨想前賢
嘉惠後學特為捐貲刻之浙
署令春秋得此成一代全書
德意甚美撫臺尹公聞其事
曰余故從顏先生游也義助
厥成克竣斯役無何

聖天子銳意經籍稽古右文以
春秋為聖人經世之書

命儒臣撰述講章曰

進帷幄適與事會史公若默契
聖衷而預備詢訪也者異日剖
析經義考核故事問昔儒者

亦有所纂輯可便觀覽者乎

其必首及貫玉矣是舉也豈

特廣流藝苑不將仰佐

睿思乎哉顏先生吾邑人以直

道著聲嘉隆間挽轡中州剪

除悍藩督學三楚抗忤權貴

解組林下惟以談道讀書為
樂著述極富貫玉其舊時撰
也余既夙嚴事顏先生重以
史公之命知是書且大行於
世不揣固陋僭為數語弁其
端知我罪我其亦斯言也夫

萬曆丙午歲春吉

賜進士及第翰林院修撰同邑
楊守勤克之甫序



春秋貫玉敘言

春秋者聖人治世之經也予
奪片言袞鉞萬禩斷自聖心
游夏不得參焉而左氏因之
爲傳以臚列其事讀經不讀
傳則末由悉其顛末而達於

聖人予奪之微旨故左氏傳
得列於經第傳以編年爲體
條理整密銓敘有法而錯綜
浩瀚目炫緒紛續渚一時莫
究此

顏冲宇先生貫玉所爲作也

大都以國爲類貫之以事而
以天王宗國貫列國之首宗
周也魯之紀年不敢以貫周
而以貫列國宗魯也以左文
貫公穀諸傳而不離析經文
以就之宗經也其意微其例

精其文賅而不雜列國如列
眉而二百四十餘年事如指
諸掌由茲以撫傳文由傳文
以達經古則是集也不獨左
氏忠臣以爲麟經羽翼可矣
惜其甫刻中州世尚罕觀偶

從先生子得之將重校銀梓
以廣其傳而

大中丞尹公以門牆誼割劑
剔資愷命竟業焉先生東海
名儒敷歷臺憲清標偉蹟布
在紀乘嘗代

天子按河以南於勢要不少假
如預銷伊庶人逆謀及保全
直臣海忠介類皆

廟社至計人所不能為亦不敢
為者又嘗督燕楚學務以名
理作人先行後文一代鉅公

咸歸賞識青霞沈公以言事
歿公拔其子襄貢京師王夷
陵方倚權地囑祀其父賢祠
嚴詞卻之所褒卹摧抑獨持
公論儼然衮鉞官新鄭而左
新鄭官江陵而左江陵時宰

猗之中貴齟之歸臥東海杜
門讀易爰成義林及儀禮家
訓等書立言垂世十疏薦不
起也則先生所爲以治已者
治世上符素王之心泐豈徒
編珠貫玉稱博綜已哉讀者

由先生之書尚論先生之世
則謂是集者爲先生傳心之
典亦可也是爲敘

皆

萬曆乙巳歲秋八月旣望浙
江等處承宣布政使司左布

政使前翰林院庶吉士平陵
史繼辰謹敘



春秋貫玉引

嘉靖己酉冬予以先慈之痛
營葬事甫畢抱戚讀禮山中
時俗緣罕接檢閱遺經至春
秋左氏患其博記錯陳倫類
罔緒就加剔扶別周魯與列

國之事各自爲種稿未具復
得劉蘆泉左傳類解於姻友
馮南野氏深有契於衷又取
公羊穀梁胡氏采其文古而
義美者又取諸家註疏得其
事核而意明者訂餽手抄之

中更憂苦多病作輟相半凡
三閱寒暑始就吁亦艱矣名
之曰春秋貫玉藏之巾笥未
嘗敢以示人庶備窺經之一
竇云

嘉靖三十二年癸丑春二月

既明王慈谿顏鯨書

春秋貫玉凡例

一類編各國惟在周魯者則著天王魯君
之代以正位號所以尊周而親魯也
一紀年用魯不以冠周事者臣之正朔不
可以加於君也在他國則皆以魯紀年
仍魯史之舊所以尊內也在魯本國皆
大書其年在他國者有時月則大書無
時月則細書明文體別同異也

一經文不復加載傳本主於記述而不主義通經者自可據經而斷傳且不敢離析聖言以就編摩也間有載之者如祭伯來御廩災鼓用牲于社之類乃傳文同經非用經也亦有原用經文者如高子來盟震夷伯之廟之類因無傳而欲附他說以存義也非此例也不敢用經云

一註釋參用林堯叟杜預及諸家之說義

求至當明折衷也

一公羊穀梁或取其事或取其義或取其文時加以錄未暇訂其是非以備參考不敢偏廢也

一世系氏族關節顯著如先聖源流周卿士魯三家晉八卿之類詳載顛末明所由來也

一逐篇各有要語標揭便檢閱也

右凡例出自臆見無關精義聊以明記
述之槩云

一貫玉以蘆泉氏為主而參用諸家間附
胸臆不敢獵人之美以為己能也并記
其姓名於左

蘆泉姓劉氏名用熙江夏人由進士出
守鎮江以博雅好古聞

春秋貫玉凡例終

春秋貫玉世系

先聖世系 出自宋濬公大子弗父何以
宋國讓弟厲公四世孫嘉字

孔父其孫以子為孔氏

弗父何 宋濬公之子 宋父周 弗父何之子 世父勝 宋父周之子

子正考父 世父勝之子 孔父嘉 正考父之子 木金父 嘉之子

子畢夷父 木金父之子 防叔 畢夷父之子 伯夏 防叔之子

防叔 伯夏之子 叔梁紇 伯夏之子 孟皮 紇之子

子子蔑孔忠 孟皮之子 仲尼孔丘 叔梁紇之子 伯魚孔

哈佛大學漢和圖書館珍藏印

鯉仲尼之子 **子思**孔伋 鯉之子為 **子上**孔白 伋之子為 **公羊氏** 名高齊人子 **左氏** 漢志左丘明魯大史 **穀梁氏** 名淑字元始一名 **羊壽** 魯人子夏弟子 ○

周公卿世系

文王子 伯邑考武王發管叔鮮周公旦蔡叔度曹叔振鐸郕叔武霍叔處康叔封 **聃季**載滕毛部雍畢鄆郕諧系文王十七子原郇不在其列然傳以原郇為文王之昭譜系失記 **管** 文王第三子管叔鮮武王封於載也 **管** 後挾武庚作亂周公誅之 **郕** 伯爵文王第五子 **霍** 文王第八子霍叔處武王子郕叔武所封 **霍** 封于霍閔元年晉滅之

聃 文王第十子 **聃啓** 周大夫 **毛** 伯爵文王子毛士食采 **毛伯過** 周卿 **郕** 子爵文王第十子封于郕 **雍** 伯爵文王第十子封于雍 **畢** 文王第十五子 **原** 文王第十子封于雍 **畢** 公高封于畢 **原** 六子原伯

原伯魯 周大夫 **原壽過** 魯子 **原襄公** 伯貫子 **原伯莊公** 周卿 **原伯貫** 莊公子 **原襄公** 子

郇 音荀亦文王子封于郇 ○ **武王子** 成王誦唐叔虞韓應邠 **韓** 侯爵武王子所封詩稱溥彼韓城是也

應 武王第四子封于應 **邠** 音于武王第五子所封 ○ **應** 子封于應 **邠** 音于武王第五子所封 ○

應 武王第四子封于應 **邠** 音于武王第五子所封 ○ **應** 子封于應 **邠** 音于武王第五子所封 ○

周公子

凡蔣邢

凡

周公子第二子凡伯

蔣

周公子第三

子伯齡

茅

周公

彤

周公

祭

周公

第五子封管

所封

城東北有祭城世

為周

○

周氏

其先食采於雍縣

周桓公黑肩

周卿士

殺

周公閱宰孔

周卿

○

周公忌父

周卿

○

召氏

召公封燕其後有留于食邑佐周為卿士以邑為氏

召康公奭

周大

保召穆公虎

康公十世孫

召伯廖

惠王

召莊公奭

王子朝之

召簡公盈

莊公子朝黨

召武公過

襄王

召桓公

周卿

○

甘氏 甘昭公

周惠王子大叔帶也

甘成公

周卿

甘景公

成公

甘簡公

景公

甘悼公過

簡公

甘平公

之孫

甘桓公

平公

甘歆

周大

○

劉氏

康公食采於劉世為周卿士

劉康公王季子

定王

劉

定公夏

康公

劉文公卷一名狄

獻公庶子

劉

桓公

文公

○

單氏

成王少子臻食邑于單襄公朝

單頃

單頃

公

襄公

單靖公

靖公

單獻公

靖公

單成公

靖公

單穆公

靖公

單武公

穆公

單平公

武公

單公子愆期

靈王御為
為邑大夫

單蔑

周大

○

尹武公

周卿

尹氏固尹文公

疑是二人
朝之黨

辛

尹氏

○

樊皮

周大

仲皮

周大
南為宣王卿士食采於樊

樊皮一曰

王子虎

周大
王之子雍仲之孫仲山

○

王子虎即王叔文公

王卿士虎名叔族文

王

叔桓公

文公

王叔陳生即簡公

卿士

王札子

一曰王子捷

定王庶兄

王子狐

平王

王子克

王子朝

景王

鞏簡公

食邑於鞏

鞏成

王儋季

靈王弟

儋括

季之子

儋翩

周大

王子佻夫

靈王子

王孫滿

頃王孫

頽叔

周大

桃子

周大

富辰

周賢大夫

富辛

周大

賓

孟一曰賓起

子朝

萇弘

周賢大夫

王孫蘇

周大

夫 ○陰不佞敬王大夫

○南宮極子朝黨

南宮嚚極

子 ○榮叔榮采地

○內史過 ○內史叔服

魯大夫世系家臣附

孟氏

出自桓公子慶父字仲以字為仲孫氏為弒閔公故諱弒君之惡更為孟氏其

後玄孫子服它又以字為子服氏

共仲慶父桓公長子

孟穆共諡也

伯公孫敖慶父之子

文伯孟孫穀敖長

惠叔孟孫

難敖次子

孟獻子仲孫蔑穀之子

孟莊子速蔑之孫

孟孺子秩速長

孟孺子秩速長

孟孝伯仲孫羯速庶次子

孟僖子仲孫獲羯之子

孟懿子仲孫何忌獲長子

孟懿子仲孫何忌獲長子

南宮敬叔說獲次子後

孟期公懿子

孟武伯懿子

莒何忌子孟敬子捷武伯之子

孟之側字子反孟氏族

顏羽孟氏臣

公孫宿一曰公孫成孟氏成

公斂孟別族

處父陽成邑宰

邴洩孟氏家

秦董父獻子家

秦臣勇士

平茲董父子

公孫朝成大

林不狃孟氏臣

子勇士

服孟懿伯仲孫它獻子蔑之子速

子服惠伯孟氏臣

椒之子

子服昭伯回椒之子

子服景伯何回

子○

叔孫氏 出自桓公子叔牙牙有罪飲鳩卒魯為立後以王父字為氏其後叔牙孫

為叔仲氏 僖叔公子牙 桓公子 僖謚也 叔孫戴伯

公孫茲 牙之子 莊叔叔孫得臣 茲之子 宣伯叔孫

僑如 得臣 叔孫虺 得臣 穆子叔孫豹 得臣 孟

丙 豹之子 仲壬 豹之子 昭子叔孫媯 媯音綽 庶子

舍 成子叔孫不敢 媯之子 子我叔孫申 不敢 武

叔叔孫州仇 不敢 文子叔孫舒 州仇之子 子張叔

孫輒 叔孫 叔仲惠伯 彭生 公孫茲之 昭伯叔

仲帶 彭生 穆子叔孫小 帶之子 叔仲志 帶之子 叔

仲皮 見檀弓 子柳 皮之子 子碩 皮之子 弟杜洩 叔孫

臣 公若藐 叔孫族 梁其蹯 穆子家臣英賢傳 曰伯禽庶子梁其

後 驪戾 豹司馬 侯犯 正 師 駟赤 師 ○

季孫氏 出自桓公子季字友以字為氏其後 六世孫公父靖其後又為公父氏

季子公子友 桓公子莊公母弟 齊仲無佚 友 曰成季成謚也

子 文子季孫行父 無佚 武子季孫宿 行父子 子

春秋列國五世系

六

錢節

彌季公鉏宿長子公鉏極公鉏彌之曾孫季悼子紇宿次

庶子季孫平子意如紇之子鞅字公之紇之子堅

字公石紇之子穆伯靖字公父按文伯乃桓子從兄弟則穆伯

乃紇之子即傳公父文伯歆靖之子桓子季孫

斯意如子康子季孫肥桓子斯之庶子季昭子强康子肥之

曾孫公鳥平子意如之庶叔公亥即公若意如庶叔之弟公

何藐季氏族公孫有山氏季氏黨公山不狃字子

洩季氏費宰一曰公山弗擾秦遄平子姑壻苦越即苦夷季氏家臣陽

虎季氏家臣陽越虎之從弟仲梁懷平子家臣正常桓子臣南

遺季氏家臣南蒯遺之子申豐武子家臣申夜姑季公林

楚桓子臣顏高力士○

叔氏出自文公子叔公子叔盼文公子宣公弟子叔

聲伯公孫嬰齊盼之子子叔齊子叔老嬰齊之子子

叔敬子叔弓老之子伯張叔轍弓之子一叔鞅

弓之子鞅之弟叔詣鞅之子叔青叔弓之孫○

臧氏出自孝公子疆食邑於臧因以為氏臧僖伯公子疆孝公子僖

謚也伯 **哀伯** **臧孫達** 疆之子 **伯氏** 錡之子 **文仲**

臧孫辰 伯氏錡之子 **宣叔** **臧孫許** 辰之子 **臧賈** 許之子

臧為 許之子 **武仲** **臧孫紇** 許繼室之子 **臧疇** 許之子

弟 **臧昭伯** 為之子 **臧堅** 紇之子 ○

仲嬰齊 襄仲次子歸父弟魯立為兄歸父後故以

公子遂 莊公子居東門號曰 **子家** **公孫歸父**

襄仲子其後以 **仲嬰齊** 襄仲次子歸父弟魯立為兄歸父後故以

仲為祖而以其字為 **懿伯** **子家** **羈** 歸父之孫

展氏 出自孝公子展其後 **公子展** 孝公 **公孫**

夷伯 展之子夷謚 **展無駭** 夷伯 **展禽** 柳下惠

無駭之子盜跖之 **展喜** 禽之弟 **展莊叔** 魯大 **展**

瑕 魯大 ○

施氏 出自惠公子尾其 **公子尾** **施父** 惠公 **施**

伯 施父之子以 **施孝叔** 惠公五 ○

郈氏 孝公後為 **郈大** **惠伯** 鞏 **郈昭伯** 孝

八世 ○

羽父公子翬魯大夫 ○奚斯公子魚魯大夫 ○

夏父展魯宗伯 夏父弗忌展之後亦為宗伯 ○眾父公

子益師眾音終 眾仲眾父之子 ○閔子馬魯大夫 閔馬父

○子仲公子憖魯大夫 ○榮成伯駕魯大夫 ○

曹劌魯大夫 ○御孫魯大夫 ○務人即公為昭公子 ○

○富父終甥魯大夫 ○卜楚丘魯大夫 梓慎魯大夫

宋大夫世系

皇氏出自戴公子克石字 司馬皇父克石戴公

子皇國父宋太宰 右師皇瑗克石八世孫 ○

樂氏宋戴公子術字樂父其後 樂甫術戴公

樂豫戴公玄孫 大司寇樂吕術曾孫 子罕樂喜吕之孫為

司城故曰樂祁犁子罕 右師樂大心祁犁族兄弟食

采桐 ○

鱗氏宋桓公生公子鱗 公子鱗桓公 東鄉鱗

嚳音貫 公子嚳鱗之子 司徒文嚳之子 ○

華氏戴公生公子考父食 公子考父說戴公

華父督

說之子

司徒華喜

督之孫

華孫御事

督之

孫右師華元

御事之子

華臣

元之子

右師華

閱

元之子

華合比

宋右師

華亥

合比之弟

蕩氏

桓公生公子蕩後以字為氏

司城公子蕩

桓公

公孫

壽

蕩之子

司城蕩意諸

壽之子

子山蕩澤

意諸之子

○

向氏

桓公生公子盼字向父後王父字為氏

向父盼

桓公

司城

訾守

盼之子

合左師向戍

守之子食采於合

向魍

戍曾孫

司馬牛

魍之弟

○

魚氏

桓公生公子目夷字子魚後以字為氏

司馬子魚目夷

桓公

子右師公孫友

目夷之子

魚府

友之子

魚石

友之子

右師戊

世本作公子

仲江公孫師

戊之子

左師仲幾

仲江

幾之子

公孫固

莊公孫為

宋朝

出奔仕衛淫亂懼罪奔晉復歸宋後靈公以南子故召之復衛

南宮萬

宋大

夫南宮牛

萬之子

○

陳大夫世系

袁氏

出自申公生靖伯十八世孫莊伯生

莊

伯靖伯十伯爰諸之子宣仲袁濤塗之孫袁

僑濤塗四世孫

少西氏子夏公子少西宣公御叔之子子南

夏徵舒御叔之子夏翬徵舒玄孫

公孫寧陳大儀行父陳大洩冶陳賢

公子黃成公子公子招為司徒公子過哀公

○慶虎執政慶寅執政

齊大夫世系

管氏管仲夷吾齊大夫管嚴仲管脩夷吾七

楚為陰管子奚齊大夫魯曾聲

晏氏晏桓子弱萊之夷晏平仲嬰弱之晏圉

平仲之子奔晏釐齊大

隰氏莊公子廖事公子廖莊公戴仲廖之成

子隰朋戴仲隰鉏朋曾

鮑氏姒姓或云夏禹之後鮑叔牙鮑敬

子莊子鮑牽叔牙文子鮑國叔牙

高氏 文公之子高其孫 公子高 文公敬仲高

倭 公子高之孫 倭之子 高虎 倭之子 傾子 虎之子 宣子 高固

高無咎 固之子 高弱 無咎之子 高厚 高固之子 倭玄孫

高止 厚之子 武子 高偃 高敬仲倭 昭子 高張 偃之子

高無平 張之子 季羔 高柴 倭十代孫為 子良

子高 公子祈 惠公之子 子尾 公孫薑 祈之子 子良

高彊 尾之子 子欒 公子堅 惠公之子 子雅 公孫竈

子旗 欒施 子雅之子

國氏 姜姓其先共伯齊之 莊子 國歸父 齊大夫

武子 國佐 歸父之子 國勝 佐之子 景子 國弱 佐之子

惠子 國夏 佐之子 國書 齊大夫

崔氏 丁公嫡子季子讓 國穆伯 季子 崔天 丁公

武子 崔杼 天之子

慶氏 出自桓公其後 公子無虧 桓公 慶克 字

慶父 無虧之子 子家 慶封 克之子 慶佐 克之子 慶舍 封

子

田氏 曰陳氏

媯姓出自陳厲公子完莊二
十年奔齊為卿以陳字為田

氏陳田聲相近也

敬仲完

陳厲公子

田穉孟夷

敬仲之子

田濬

孟莊 孟夷之子

陳文子須無

孟莊之子

陳桓子無字

文子

之陳武子子彊開

無字

陳僖子乞

無字

田成

子常

一日恒

乞之子

東郭氏東郭偃

桓公之後居東郭為氏

東郭書

偃之子

東

郭賈

書之子

○

晉大夫世系

趙氏

嬴姓少昊之後與秦同祖皐陶十世孫曰蜚廉蜚廉次子曰季勝生孟增幸於

周成王是為宅皐狼宅皐狼生衡父衡父生造父為穆王御有功賜以趙城為趙氏造父

六世孫奄父生叔帶當幽王無道去周如晉事晉文侯

趙夙

叔帶五世孫

成

季趙衰孟子餘

夙之弟封于原

宣子趙盾

衰之子

趙同

衰之子食采于原

趙括

衰之子食采于屏

季趙嬰齊

衰之子食采于樓

莊子趙朔

盾之子

文

子趙武

朔之子

趙獲

武之子

景子趙成

武之子

簡

子趙鞅

成之子後改名志父

趙伯魯

鞅長子

襄子無恤

鞅次子

子趙穿盾從兄趙旃穿之子趙勝旃之子食采

勝鄆邯鄲午○

韓氏姬姓晉穆侯少子曲沃成師生武子韓

萬曲沃成師之子定伯韓簡萬之孫韓子輿簡之子獻子

韓厥子輿之子穆子韓無忌厥長子不立宣子韓

起厥次子韓真子起韓不信之子韓穿韓子

魏氏出自周文王第十五子畢公高武王封

封于畢後絕封為庶人其苗裔畢萬仕晉武子魏犇芒季之子令

狐魏顛犇長子以獲杜令狐文子頡顛之子魏

悼子犇之子莊子魏絳悼之子魏羸絳之子獻子魏

舒羸之子廚武子呂錡武子犇之子呂相錡之子魏壽

餘萬之後○

士氏伊祈姓陶唐苗裔劉累後歷虞夏商周

子隰叔奔晉為士師為士氏後居隨及范又

子輿士蔦隰叔之子武子士季會蔦之孫初封隨

范文子士燮會長之子士魴會少子燮之母弟

任正刊

范宣子士匄文子燮之子 范獻子鞅匄之子 士吉射

子鞅之 穆子士季士氏別族 貞子士渥濁穆子之子 士弱

貞子 士彌牟士弱之孫 ○

荀氏荀息晉公族食采于荀故為荀氏 中行伯桓子荀林

父將中行故曰中行伯字也子孫 中行伯襲將中行者皆曰中行伯伯爵也 中行伯

宣子荀庚林父之子 中行獻子荀偃庚之子 中行穆

子荀吳偃之子 中行文子荀寅吳之子 知莊子

荀首林父弟自公族食采於知號曰知莊子然則中行氏與知氏本一族也 知

武子荀瑩首之子 知朔瑩長子 知悼子伯夙荀盈

瑩次子 知文子荀躒盈之子 知徐吾躒之子 知

伯襄子荀瑤躒之孫 ○

狐氏其先本唐叔後在 大狐伯唐叔後 狐突伯狐

之子重耳 狐毛突長子 狐溱毛之子 子犯狐偃突次

之外祖父 季佗狐射姑音亦姑偃之子

弟故曰舅犯 季續簡伯狐鞠居狐氏族 ○

祁氏晉獻侯四世孫奚為祁邑大夫食邑於祁 祁奚為祁邑大夫 祁午

奚之子 祁盈 午之子 ○

欒氏 靖侯孫食邑於欒 欒賓 靖侯之孫 欒枝 賓之孫 欒盾 枝之子

子 欒武子書 盾之子 欒桓子廩 書之子 欒鍼 書之子 廩之子

之 欒懷子盈 廩之子 ○

羊舌氏 靖侯之後 食邑於羊舌 羊舌突 靖侯之後 羊舌職 突之子

子 伯華羊舌赤 職長子 叔向羊舌肸 職之子 伯

伯石楊食我 食音嗣 向之子 向為大 叔魚羊

舌鮒 職之子 叔羆羊舌虎 職之子 ○

卻氏 姬姓 晉公族也 其先 叔虎 卻豹 晉大夫 卻

芮 豹之子 卻成子冀 缺 芮之子 獻子駒 伯卻克 缺

子 駒 伯卻錡 克之子 步揚 卻豹孫 苦成 叔卻犖

步揚之子 別封 蒲城 誰居 犖之子 昭子温 季卻

于苦成 謚也 誰居之子 以公族 卻毅 犖之子 ○

先氏 隰叔初封于 先軫 食邑于原 彘季先穀

軫之子 孫 ○

司空季子胥臣 胥臣名也 季子字也 胥甲父

胥臣之胥克甲之子胥童克之子○里克咎皐之後為理氏商

末理徵孫仲師遭難去理為里其後克為晉大夫○孫伯糾宋襄公母弟叔

仕晉糾也伯宗糾之子伯州犁宗之子晉殺伯宗奔楚為大夫

子餘大宰詔州犁孫避楚○

鄭大夫世系

豐氏公子豐穆公之子子石公孫段豐之子子

旗豐施段之子子張豐卷施之子○

游氏公子偃字子游穆公之子子嶠公孫蔓偃長子

子南公孫楚偃次子子大叔游吉蔓次子○

國氏公子發字子國穆公之子子產公孫僑國之子

子思國參僑之子○

駟氏公子駟字子駟穆公之子子西公孫夏駟之子

駟乞夏之子駟帶字子夏之子子皙公孫黑駟之子子

然駟歎乞之子○

印氏公子舒字子印穆公之子子張公孫黑肱云一

伯張印之子子石印段子張之子子柳印癸段之子○

之

公子去疾字子良穆公之子子耳公孫輒去疾之子伯

有良霄子耳之子良止霄之子○

罕氏公子喜字子罕穆公之子子展公孫舍之喜之長子

子皮罕虎子展之子子姚罕達虎之子○

公子嘉字子孔穆公之子公孫洩嘉之子孔張子孔之子

○公子羽穆公之子羽頡公子羽之子○

衛大夫世系

孫氏出自武公生公子惠孫生公子惠孫武公之子

子公孫耳惠孫之子孫仲耳之子桓子孫良夫孫仲之玄孫

文子孫林父桓子之子孫蒯林父之子○

甯氏武公生季亶莊子甯速武公四世孫武子甯

俞速之子甯相俞之子惠子甯殖相之子悼子甯喜

殖之○

北宮氏懿子北宮括成公曾孫北宮遺括之子文子

北宮佗遺之子貞子北宮喜佗之子○

石氏石碣靖伯之孫石厚碣之子石駘仲衛大夫石祁

子駘仲成子石稷世孫石買稷之子悼子石惡

買之子石曼姑惡之子

犬叔氏出自文公文子犬叔儀文公之子犬叔申

儀之孫悼子犬叔疾申之子倍子犬叔遺疾之子

楚大夫世系

鬬氏出自若敖鄭氏曰若敖名熊鬬伯比比

被若敖子子文鬬穀於菟伯比之子鬬韋龜子文

郊尹子旗蔓成然韋龜之子食鄭公鬬辛成

長子為鄭邑尹司馬子良伯比之子伯棼越椒子良

苗賁皇越椒之子避難申公鬬班文王時鬬

廉若敖子

為氏同遠音偉出自蚡冒之子王子為章蚡

子伯嬴為賈章之子為叔孫叔敖賈之子鍼尹遠

子憑從子為箴諫之官襄二遠掩子憑子

蕩蕩罷掩族為遠越為司遠啓彊為靈王

屈氏楚公族莫敖屈屈瑕武王屈重武王時

屈蕩

楚大夫

子夕屈到

蕩之子為莫敖

子木屈建

到之子為

令尹**子靈屈巫**

蕩之子為申邑尹故曰申公巫臣後奔晉

屈狐庸

巫臣

之子**屈完**

楚大夫

屈伯庸

屈氏後

屈原

伯庸之子

沈氏

莊王子公子貞封于沈鹿故為沈氏

左司馬沈尹戌

莊王曾孫

公子貞孫

子高沈諸梁

戌之子為葉尹故曰葉公

沈尹射

子高之子

○ **子玉得臣**

若敖曾孫

成大心大孫伯

得臣子為令尹

伍氏伍參

莊王嬖臣食采於椒

伍舉

參之子一曰椒舉

連尹伍

奢

舉之子

椒鳴

舉之子

伍尚

奢之長子為棠君

子胥伍員

奢之次子尚弟奔吳封于申

申氏申無宇

為芋邑尹故曰芋尹無宇

芋尹申亥

無宇之子

申時

楚大夫為申公

申時跪

時之子

申叔豫

跪之子

申公

叔侯申叔

楚大夫

申包胥

楚大夫

子囊公子真

莊王子

子常囊瓦

真之孫為令尹

子庚公

子午

莊王子為令尹代子真

○

春秋貫玉世系終

春秋貫玉卷一上

周

平王

名宜且曰幽王子四十九年入春秋在位五十一年崩諡法治而無青曰平

周鄭交惡

鄭武公

桓公

莊公

武公

為平王卿士王貳於

號

號君亦仕於王王欲分政於號不專任鄭伯

鄭伯怨王王曰無

之故周鄭交質王崩周人將畀號公政鄭祭足帥師取溫之麥秋又取成周之禾周鄭交

惡君子曰信不由中質無益也明恕而行要之以禮雖無有質誰能間之苟有明信澗溪沼沚之毛蘋蘩蕓藻之菜筐筥錡釜之器潢汙行潦之水可薦於鬼神可羞於王公而况君子結二國之信要之以禮又焉用質

桓王

名材平王之孫太子洩父之子隱公四年即位桓公十五年崩在位二十年

二年謚法辟土服遠曰桓

鄭伯射王

桓公五年

鄭伯如周

鄭莊公

王不禮焉周桓公言於王

即

肩食采於周邑

曰我周之東遷晉鄭焉依善鄭以勸

來者猶懼不饒况不禮焉鄭不來矣

隱公六年

王

取鄆

音鳥

劉為

危上聲

邠

音于

之田于鄭而與鄭人

蘇忿生之田

武王用忿生為司寇封於蘇其子孫叛王王不能有其田故與

鄭君子是以知桓王之失鄭也恕而行之德

之則也禮之經也已弗能有而以與人人之

不至不亦宜乎

隱公十一年

王奪鄭伯政鄭伯不

朝王以諸侯伐鄭鄭伯禦之為魚麗之陳先

偏後伍伍承彌縫二十五乘為偏五人為伍以伍承偏之隙彌縫之此

魚麗陣法戰於緇葛王卒大敗祝聃射王中肩王

亦能軍祝聃請從之公曰君子不欲多上人

况敢陵天子乎苟自救也社稷無隕多矣桓公

五夜鄭伯使祭足勞王且問左右鄭莊失大本而飾小節

莊王名佗桓王子桓公十六年即位莊公十二年崩在位十五年謚法勝敵志

強曰莊

辛伯諫周公

周公欲弑莊王而立王子克莊王弟子儀也辛伯告

王遂與王殺周公黑肩王子克奔燕初子儀

有寵於桓王桓王屬諸周公辛伯諫曰竝后

妾如后匹嫡庶如嫡兩政臣如君耦國都如國亂之本

也周公弗從故及於難桓公十八年

僖王名胡齊莊王子魯莊公十三年即位十七年崩在位五年謚法小心畏忌

僖曰

惠王

名間僖王子莊公十八年即位僖公八年崩在位二十五年謚法柔質慈

惠
氏曰

鄭虢納王

初王姚

莊王妾姚姓者也

嬖于莊王生子頹子頹有

寵及惠王即位為國邊伯詹父子禽祝跪

五子

皆周大夫有怨於惠王為子頹之黨也

五大夫奉子頹以伐王

立子頹王入于鄆

即前桓王所取鄭邑

子頹享五大夫

樂及徧舞

舞六代之樂

鄭厲公聞之見虢叔曰寡

人聞之哀樂失時殃咎必至今王子頹歌舞

不倦樂禍也夫司寇行戮君為之不舉而况

敢樂禍乎奸王之位禍孰大焉臨禍忘憂憂

必及之盍納王乎虢公曰寡人之願也鄭伯

將王自圉門入虢叔自北門入殺王子頹及

五大夫鄭伯享王子于門西辟

象魏西偏

王以后之

鞶鑑

以鑑為飾古之遺服所以賜有功

予之虢公請器王予

之爵

玉爵酒器入之所貴也

鄭伯由是始惡于王

以王不予

玉爵為薄已莊公二十一年

齊桓會王世子於首止

僖公五年

惠王娶陳媯為后生太子鄭及叔帶后愛叔帶王將廢鄭而立帶齊桓公憂之合諸侯會王世子盟於首止以定其位惠王惡其盟也使周公召鄭伯曰吾撫女以從楚輔之以晉可以少安鄭伯逃歸不盟孔叔鄭大夫止之曰

國君不可以輕輕則失親失親患必至病而

乞盟所喪多矣君必悔之弗聽僖公五年惠王崩

襄王惡太叔之難懼不立不發喪而告難于

齊公會王人齊侯桓宋公桓衛侯文許男僖

曹伯共陳世子欵盟于洮鄭伯乞盟僖公八年○

穀梁子曰王人之先諸侯何也貴王命也朝

服雖敝必加於上弁冕雖舊必加於首周室

雖衰必先諸侯

襄王

名鄭惠王子子僖公九年即位文公八年崩在位三十三年諡法辟地有德

曰襄

管夷吾辭上卿之享禮

僖公十二年

陽拒泉皇伊維之戎同伐京師入王城焚東

門王子帶召之也

欲因以篡位

王以戎難故討王

子帶王子帶奔齊齊侯使管夷吾平戎於王

王以上卿之禮饗管仲管仲辭曰臣賤有司

也有天子之二守國尚在

二子乃王命卿

若節春秋

來承王命何以禮焉陪臣敢辭王曰舅氏

伯舅

之使故曰舅氏

余嘉乃勲應乃懿德謂督不忘往踐

乃職無逆朕命管仲受下卿之禮而還君子

曰管仲之世祀也宜哉讓不忘其上詩曰豈

弟君子神所勞矣

僖公十二年

齊侯使仲孫湫聘

于周且言王子帶事畢不與王言歸復命曰

未可王怒未怠其十年乎不十年王弗召也

僖公十三年

富辰言於王曰請召太叔詩曰協比

其鄰昏姻孔云吾兄弟之不協焉能怨諸侯

之不睦王悅王子帶自齊復歸于京師王召

之也僖公二十二年自奔齊至此果初平

王之東遷也辛有適伊川辛有周大夫也見被髮而

祭於野者曰不及百年此其戎乎其禮先亡

矣至是秦晉遷陸渾之戎於伊川秦晉遷戎在僖公二

十二年

天王出居于鄭僖公二十五年

滑人滑伯爵叛鄭而服于衛鄭公子士帥師

伐滑王使伯服游孫伯如鄭請滑二子周大夫鄭

伯然鄭文公惠王之入而不與厲公爵也又然

襄王之與衛滑也助衛滑與之請故不聽王命而執

二子王怒將以狄伐鄭富辰諫曰不可臣聞

之太上以德撫民其次親親以相及也昔周

公弔二叔之不咸弔傷也咸同心也故封建親戚以

蕃屏周管蔡邠霍魯衛毛聃郤雍曹滕畢原

也 四國皆武

文王子

凡蔣邢茅胙祭周公之胤也

也

謂夏商季世也

周公傷夏商之季世疏親戚使宗族不同心以致滅亡故封建同姓之多

叔

召穆思周德之不類故糾合宗族於成周

虎以厲王時兄弟道缺周德不善故合宗族於東都以親之

而作唐棣之詩如是則兄弟雖有小忿不廢懿親今天子

不忍小忿以棄鄭親其若之何庸勲親親暱

近尊賢德之大者也即聾從昧與頑用噐姦

之大者也棄德從奸禍之大者也鄭有平惠

之勲 鄭納平王惠 又有厲宣之親 鄭始封祖

王之子宣王之弟言當親親 棄嬖寵而用三良 三良謂叔

叔言鄭賢 於諸姬為近 鄭居河洛比姬姓諸國獨與周接壤言鄭

近當 四德具矣耳不聽五聲之和為聾 言不當就

即狄 目不別五色之章為昧 言不當從狄昧

聾 德義之經為頑 言不當與狄頑 口不道忠信之言為

噐狄皆則之四姦具矣周之有懿親也猶懼

任正刊

水火書卷二十一

有外侮今周德既衰於是乎又渝周召以從
 諸姦無乃不可乎王弗聽使頹叔桃子出狄
 師伐鄭取櫟王德狄人將以其女為后富辰
 諫曰不可臣聞之報者倦矣施者未厭狄固
 貪恠王又啓之女德無極婦怨無終狄必為
 患王又弗聽王子帶通於隗氏即襄王所
立狄女王
 替隗氏頹叔桃子恐狄怨已遂奉叔帶以狄
 師攻王王出適鄭處于汜王使告難于魯臧

文仲對曰天子蒙塵于外敢不奔問官守王

使告難于晉狐偃言于晉文公曰求諸侯莫

如勤王諸侯信之且大義也繼文之業晉文
侯仇

為平王侯伯
匡輔王室而信宣於諸侯今為可矣晉侯

逆王王入于王城取叔帶于温殺之晉侯朝

王請隧地道曰隧王葬自此道入
諸侯葬懸棺不隧故請之弗許曰王

章也未有代德而有二王亦叔父之所惡也

與之陽樊温原欒茅之田晉於是始啓南陽

陽樊不服圍之蒼葛

陽樊邑人

呼曰德以柔中國

刑以威四夷宜吾不敢服也此誰非王之姻

親其俘之也乃出其民

倍公二十五年

頃王

名壬臣襄王子文公九年即位十四年崩在位六年諡法敏以敬慎曰頃

三年稱子

毛伯來求金

文公九年

公羊曰毛伯者何天子之大夫也何以不稱使當喪未君也踰年矣何以謂之未君即位

矣而未稱王也未稱王何以知其即位以諸

侯之踰年即位亦知天子之踰年即位也以

天子三年然後稱王亦知諸侯於其封內三

年稱子也踰年稱公矣則曷為於其封內三

年稱子緣民臣之心不可曠年無君緣終始

之義一年不二子

故踰年

緣孝子之心則三

年不忍當也

故三年

毛伯來求金何以書譏

也何譏爾王者無求求金非禮也

匡王

匡

名無頃王子文公十五年即位宣公二年崩在位六年謚法貞心大度曰

甘歆敗戎

文公十七年

周甘歆

周大夫

敗戎于邲

音沈

垂乘其飲酒也

定王

名瑜匡王弟宣公三年即位成公五年崩在位三十一年謚法安民大慮

定曰

楚子問鼎

楚子伐陸渾之戎遂至于雒觀兵于周疆王

使王孫滿勞之楚子問鼎之大小輕重焉

示欲

偪周取天下

對曰在德不在鼎昔夏之方有德也

遠方圖物貢金九牧鑄鼎象物

鑄鼎以象遠方山林之恠

物百物而為之備使民知神姦故民入川澤

山林不逢不若

若順也

魑魅罔兩莫能逢之用

能協于上下以承天休桀有昏德鼎遷於商

載祀六百商紂暴虐鼎遷於周德之休明雖

小重也

不可遷

其姦回昏亂雖大輕也

言可移天

祚明德有所底止成王定鼎于郊鄩即王卜城世三十七年七百天所命一也周德雖衰天命未改鼎之輕重未可問也

晉侯使士會平王室宣公十六年

王孫蘇與毛氏召氏爭政皆周卿士使王子捷定

庶兄殺召戴公及毛伯衛為毛召之難故王室

亂晉侯使士會平王室定王享之原襄公相

禮殺烝殺切肉可食也烝升也升殺于俎武子私問其故恠其

享不體薦王聞之召武子曰季氏而弗聞乎季士會字

也王享有體薦享則半解其體而薦之不可食以示恭儉宴有折

俎宴則體解節折升之於俎物皆可食以示慈惠公當享卿當宴王

室之禮也武子歸而講求典禮以修晉國之

法

晉侯使鞏朔獻齊捷于周成公二年

晉侯使鞏朔晉大夫獻齊捷于周鞏之役王弗見

使單襄公辭焉曰蠻夷戎狄不式王命淫酒

毀常王命伐之則有獻捷王親受而勞之所
以懲不敬勸有功也兄弟甥舅兄弟同姓諸侯甥舅異姓

諸侯侵敗王略王命伐之告事而已不獻其功

所以敬親暱指所伐國言禁淫慝指伐國之人言也今叔

父克遂有功于齊而不使命卿鎮撫王室大國

二卿天子所命所使來撫余一人而鞏伯實來未有

職司於王室朔非命卿又奸先王之禮獻齊捷余雖

欲於鞏伯其敢廢舊典以忝叔父夫齊甥舅

之國也而大師之後也寧不亦淫縱其欲以

怒叔父抑豈不可諫誨士莊伯不能對王使

禮之降於卿禮一等時晉景公使朔獻捷成公二年

簡王名夷定王子成公六年即位襄公元年崩在位十四年諡法一德不解曰簡

簡

郤至爭田成公十一年

晉郤至與周爭鄆音侯田王命劉康公單襄公

訟諸晉晉侯使郤至勿敢爭見郤至貪所以亡

靈王

名泄心簡王子襄公二年即位二十八年崩在位二十七年諡法極知鬼神曰靈不勤成名曰靈蓋以其生有髭甚神聖也

神曰靈不勤成名曰靈蓋以其生有髭甚神聖也

士甸平王室

襄公十年

王叔陳生與伯輿爭政

皆卿

王右

助

伯輿晉

侯使士甸平王室王叔與伯輿訟焉王叔之

宰與伯輿之大夫瑕禽坐獄於王庭

周禮命夫命婦

不躬坐獄故使宰與大夫訟曲直

士甸聽之王叔之宰曰

門圭竇之人

言伯輿微賤之家

而皆陵其上其難為

上矣瑕禽曰昔平王東遷吾七姓從王牲用

備具王賴之而賜之駢旄之盟曰世世無失

職

大臣從平王遷者七姓伯輿之祖為王備犧牲共祭祀王賴其用故與之盟使世守

其職駢旄赤牛言其重也

若算門圭竇其能來東底乎

底至

也至東周

且王何賴焉今自王叔之相也政以賄

成而刑放於寵官之師旅不勝其富吾能無

算門圭竇乎唯大國圖之范宣子曰天子所

右寡君亦右之所左亦左之使王叔氏與伯

輿合要

音腰獄辭也使各為要約言語兩相辨荅

王叔氏不能舉

其契

叔氏理曲無以為荅故不能舉其要契之辭

王叔奔晉

靈王求后于齊

襄公十二年

靈王求后于齊

靈齊侯問對於晏桓子

名弱晏嬰

之父問對

桓子對曰先王之禮辭有之天子

求后於諸侯諸侯對曰天婦所生若而人

而若

如此也不敢譽亦不敢毀

妾婦之子若而人

言非嫡也

無女而

有姊妹及姑姊妹則曰先守其公之遺女若

而人

古人謂父之姊為姑姊父之姊為姑姊後人從省但謂之姑

齊侯許

昏王使陰里

周大夫

結成之

景王

名貴靈王子襄公二十九年即位昭公二十二年崩在位二十五年謚法

布義行剛曰景

愆期料僭括之難叔向論單子之亡

初王儋季

靈王弟

卒其子括將見王而歎

除服將見

靈王入朝而歎

單公子愆期為靈王御士過諸庭聞

其歎而言曰嗚呼必有此夫

言括必得入以

入以

告王且曰必殺之不感而願大視蹠而足高

心在他矣不殺必害王曰童子何知及靈王

崩儋括欲立王子佞夫景王之弟佞夫弗知儋括

圍蔦逐成愆蔦邑大夫成愆奔平時周大夫殺佞

夫括奔晉襄公三○單子會韓宣子于戚時

會諸侯于厥憇救蔡視下言徐叔向曰單子其將死乎

朝有著定謂朝內列位佇立定處也會有表野會則設表為位亦有定

處也衣有衿音噲衣領會也帶有結大帶紐處會朝之言必

聞于表著之位所以昭事序也視不過結衿

之中所以道容貌也言以命之容貌以明之

失則有關今單子為王官伯而命事於會視

不登帶言不過步貌不道容而言不昭矣不

道不共貌正不昭不從言順無守氣矣是年

十二月單子卒昭公十一年

周甘人與晉閻嘉爭閻田昭公九年

周甘人甘邑大夫與晉閻嘉晉閻縣大夫爭閻田晉梁

丙張趯率陰戎即陸渾之戎伐潁周邑也王使詹桓

伯周大夫辭於晉曰我自夏以后稷魏駘芮岐

畢吾西土也后稷為此五國長及武王克商蒲姑商

奄吾東土也巴濮楚鄧吾南土也肅慎燕亳

吾北土也吾何邇封之有文武成康之建母

弟以藩屏周亦其廢墜是為為去聲為周後世廢墜兄弟國

當救濟之豈如弁髦而因以敝之弁髦即兩髦事親者親沒則不

髦如文武成康沒而即棄周也先王居檣杪于四裔以禦螭

魅故允姓之姦居于瓜州伯父惠公歸自秦

而誘以來僖公十五年晉惠公自秦歸二十二年秦晉遷陸渾之戎於伊川

使偪我諸姬入我郊甸則戎焉取之若非晉誘則戎

安取此地戎有中國誰之咎也后稷封殖天下今

戎制之不亦難乎伯父圖之我在伯父猶衣

服之有冠冕水木之有本源民人之有謀主

也伯父若裂冠毀冕拔本塞源專棄謀主雖

戎狄其何有余一人晉尚如此况戎乎叔向謂宣子

曰文之伯也豈能改物翼戴天子而加之以
共自文以來世有衰德而暴滅宗周以宣示
其侈諸侯之貳不亦宜乎且王辭直子其圖
之宣子說使趙成致閭田反穎俘

叔向知景王之不終 閔子馬知原氏

之將亡 伶州鳩知無射之感心

王太子壽卒

景王子卒在昭公十五年六月

王穆后崩

太子壽之

母崩在是年八月

晉荀躒如周葬穆后籍談為介既

葬除喪以荀躒宴樽以魯壺

魯所獻壺

王曰

景王感魯

壺而

伯氏

稱荀躒

諸侯皆有以鎮撫王室

言皆有貢

獻

晉獨無有何也荀躒揖籍談

對使對曰諸侯

之封也皆受明器于王室

明德之器

以鎮撫其社

稷故能薦彝器於王

彝常也宗廟常器

晉居深山戎

狄之與鄰而遠於王室王靈不及拜戎不暇

言為戎侵伐拜謝不暇

其何以獻器王曰叔氏而忘諸

乎

叔籍談字而汝也

叔父唐叔成王之母弟也其反

無分乎密須之鼓與其大路文所以大蒐也

文王伐密須氏得其鼓車以蒐闕鞞之甲武所以克商也闕鞞

亦國名唐叔受之以處參虛匡有戎狄參虛實沈之次

晉之分野匡正也其後襄之二路襄王賜晉文公大路戎路鉞鉞斧也

之田撫征東夏非分而何非分器夫有勲而

不廢不廢其賞有績而載書之于策奉之以土田有南陽

撫之以彝器鉞鉞形弓之類旌之以車服襄之二路明之

以文章旌旗子孫不忘所謂福也福祚之不登

叔父焉在叔父謂晉侯言福祚在晉且昔而高祖孫伯鷹

司晉之典籍以為大政孫伯鷹晉正卿談九世祖故曰籍

氏以官為氏及辛有之二子董之周辛有之二子適晉與籍鷹共

董督晉典籍晉於是乎董董亦以官為氏女司

典之後也何故忘之籍談不能對賓出王曰

籍父其無後乎數典而忘其祖談果無後籍談歸

以告叔向叔向日王其不終乎王一歲而有

王朝明

春秋實錄卷上

十九

三年之喪二焉太子壽穆后皆重喪也於是乎以喪賓

宴且求彝器樂憂甚矣且非禮也彝器之來

嘉功之由諸侯有功故作彝器獻王非由非非

由喪也三年之喪雖皆遂服禮也王雖弗遂

宴樂以早亦非禮也禮王之大經也一動而

失二禮無大經矣言以考典典以志經忘經

而多言舉典將焉用之○葬曹平公往者魯人

往會曹日葬者見周原伯魯焉伯魯周大夫與之語不說

音悅學歸以語閔子馬魯人歸以語子馬閔子馬曰周

其亂乎夫必多有是說而後及其大人大人

患失而惑又曰可以無學無學不害不害而

不學則苟而可於是乎下陵上替能無亂乎

國內言不學者多然後流傳及在位大人大人患失位隨眾而亦惑於此又為言曰人可

以無學不為害也不害而不學則一國之人凡事不求義理之極苟且而以為可於是下

陵上替其亂必矣夫學殖也不殖將落原氏其亡乎

殖生也言學能立身猶物之生殖不學則凋悴而落矣昭公十八年○天王費繼宗

將鑄無射

鍾名律中無射者

冷州鳩曰

冷樂官州鳩名也

王

其以心疾死乎夫樂天子之職也夫音樂之

輿也

有音然後相和成樂故為樂之車輿

而鍾音之器也

有鍾然後

考擊成聲故為音之器用

天子省風以作樂器以鍾

聚也

輿以行之

行有所往也如音皆黃鍾然後成黃鍾樂

小者不窳

狹細

也大者不擻

音畫橫大也

則和於物物和則嘉成

故和聲入於耳而藏於心心億則樂

心與相安則樂

窳則不咸

聲小則人不能滿

擻則不容

聲大則人不能容

心

是以感

是以不相入而感

感實生疾今鍾擻矣王心

弗堪其能久乎

昭公二十一年其明年夏景王果以心疾崩

敬王

名句景王子王猛母弟昭公二十二年景王崩子猛繼立卒昭公二十三年即位哀公十九年崩在位十四年諡法夙夜警戒曰敬

天王入于成周

初王子朝有寵於景王

子朝景王長庶子

王與賓孟

子朝說之欲立之

王語賓孟欲立子朝為太子

劉獻公之

子伯蚩

劉秋也

事單穆公

單旗也

惡賓孟之為人

也願殺之欲殺又惡王子朝之言以為亂願

去之欲去子朝恐其奸太子之位景王田比山使公卿皆

從將殺單子劉子時太子壽既卒其次王猛當立已正太子位後景王

以私意欲廢猛立子朝恐單劉不從故將殺之王有心疾崩劉蚩遂

攻賔孟殺之立王猛葬景王王子朝因舊官

百工之喪職秩者與靈景之族以作亂逐劉

子單子單子告急于晉頃晉籍談荀躒帥九

州之戎即陸渾戎也及焦瑕温原之師以納王于

王城王猛卒未踰年未成天子故不敬王即

位名句王猛母弟亦嫡出也劉子單子奉王如劉避王子朝自王

城出居于劉子邑王子朝入于王城南宮極震南宮極臣

名子朝之黨為地震墻宇壓而死萇弘謂劉蚩曰君其勉之

先君之力可濟也先君蚩之父獻公也周之亡也其三

川震謂幽王時今西王之大臣亦震子朝在王城為西王天

棄之矣東王必大克敬王出居于成周劉邑在王城東為東王昭公

二十三年召伯盈南宮嚚以甘桓公三人皆見王

子朝劉子謂襄弘曰甘氏又往矣對曰何害

同德度義同心同德此周所以興也君其務

德何患無人王子朝入于鄆邑名晉侯使士景

伯涖問周故士伯立於乾祭北門而問於介

衆介大也立於王城北門而問大衆晉人乃辭王子朝不納

其使衆言子朝典故晉已得之王子朝之師攻瑕及杏皆

潰皆敬王邑鄭伯如晉鄭定公朝晉頃子太叔相相禮也見

范獻子獻子曰若王室何對曰老夫其國家

不能恤敢及王室抑人亦有言曰嫠不恤其

緯而憂宗周之隕為將及焉嫠婦織為業者不憂緯之少而

憂宗周隕亡恐禍及已也今王室實蠹蠹焉擾動貌吾小國

懼矣然大國之憂也吾儕何知焉吾子其早

圖之獻子懼而與宣子圖之乃徵會於諸侯

期以明年昭公二十四年王子朝用成周之寶珪于

河津人得諸河上神不受故陰不佞以温人南侵

不佞敬王大夫時王在東故南侵王子朝拘得玉者取其玉將賣

之則為石王定而獻之

及敬王定位又為王不佞獻之

晉會

諸侯于黃父

晉地

趙簡子令諸侯之大夫輸王

粟具戍人曰明年將納王子太叔見趙簡子

簡子問揖讓周旋之禮焉對曰是儀也非禮

也簡子曰敢問何謂禮對曰吉也聞諸先大

夫子產曰夫禮天之經也地之義也民之行

也天地之經而民實則之則天之明因地之

性生其六氣

陰陽風雨晦明也

用其五行

金木水火土也

氣

為五味

酸鹹辛苦甘也

發為五色

青黃赤白黑也

章為五聲

宮商角徵羽也

淫則昏亂民失其性是故為禮以奉

之

淫過也此言天地之六氣五行五味五色五聲各有節文人若過之則昏迷亂惑失

其性故聖人制為禮有儀則以奉承天地不使過其度禮之義始此下條其事之目為

六畜

馬牛羊雞犬豕也

五牲

麋鹿麀狼兔也

三犧

祭天地宗廟之犧也

始養之曰畜將用之曰牲羽毛完具曰犧

以奉五味為九文

山龍華蟲

藻火粉米黼黻

六采

天地四方之色青白赤黑玄黃也

五章

青赤白文赤白

之章白黑之黼黑青之黻五色備為繡

以奉五色為九歌

六府三事

也八風八方之風也七音宮商角徵羽變宮變徵也六律陰陽六律

也以奉五聲為君臣上下以則地義此解上因地之

性為夫婦外內以經二物此解上天地之意經而民則之意為

父子兄弟姊妹甥舅昏媾姻婭以象天明九族

親疏自然條理有不可誣故曰象天明此解上則天之明意為政事庸力

行務以從四時為刑罰威獄使民畏忌以類

其震曜殺戮為溫慈惠和以效天之生殖長

育此解上用其五行之意民有好惡喜怒哀樂生于六

氣是故審則宜類以制六志哀有哭泣樂有

歌舞喜有施舍怒有戰鬪喜生于好怒生于

惡是故審行信令禍福賞罰以制死生生好

物也死惡物也好物樂也惡物哀也哀樂不

失乃能協於天地之性是以長久簡子曰甚

哉禮之大也對曰禮上下之紀天地之經緯

也民之所以生也是以先王尚之故人之能

自由直以赴禮者謂之成人曲直謂損太過補不足也大

不亦宜乎簡子曰鞅也請終身守此言也

昭公

二十五年王城人

子朝劉人之兵

敬王之兵

戰于施谷劉師

敗績劉子以王出

去劉邑

王次于滑晉知躒趙

鞅帥師納王使汝寬守闕塞

汝寬晉大大闕塞洛陽伊闕口

也守以備子朝

敗王子朝之師于鞏王子朝及召氏

之族毛伯得尹氏固南宮嚚奉周之典籍以

奔楚天王入于成周晉師使成公般

音班晉大夫

成周而還王子朝使告于諸侯曰昔武王克

殷成王靖四方康王息民竝建母弟以蕃屏

周亦曰吾無專享文武之功且為後人之迷

敗顛覆而溺入于難則振救之至于夷王王

愆于厥身諸侯莫不竝走其望以祈王身

言夷

王疾而諸侯請禱於羣望也

至于厲王王心戾虐萬民弗

忍居王于彘諸侯釋位以間王政宣王有志

而後效官

厲王居彘諸侯皆去國執王事至宣王復位始以王事授於官而後

歸至于幽王天不弔周王昏不若用愆厥位

攜王幽王少子伯服也奸命諸侯替之而建王嗣太子

宜曰用遷郊鄙則是兄弟之能用力於王室

也指上三節至于惠王天不靖周生頹禍心施於

叔帶惠襄避難惠王避子頹之難適鄭襄王避叔帶之難處汜越去

王都則有晉鄭咸黜不端以綏定王家鄭厲公殺

子頹納惠晉文公殺叔帶納襄則是兄弟之能率先王之命

也在定王六年秦人降妖曰周其有頹王亦

克能脩其職諸侯服享二世共職王室其有

間王位諸侯不圖而受其亂災定王六年秦地妖言曰周

有頹王能脩君職諸侯服從來朝脩臣職止二世後有奪王位者諸侯不謀之而受其難

本謂子朝今反以為王猛也至于靈王生而有頹王甚神

聖無惡於諸侯靈王景王克終其世今王室

亂單旗劉狄剝亂天下壹行不若壹專也專行不順之

事謂先王何常之有唯余心所命其誰敢討

之言二子謂古人立嗣無常惟我心所欲則立之人必不敢非而討之也帥羣

不弔之人以行亂于王室謂立侵欲無厭規

求無度貫瀆鬼神慢棄刑法倍奸齊盟也齊

盟立子朝傲狠威儀矯誣先王言立猛詐為

晉為不道是攝是贊思肆其罔極茲不穀震

蕩播越竄在荆蠻未有攸底若我一二兄弟

甥舅獎順天法無助狡猾以從先王之命毋

速天罰赦圖不穀則所願也敢盡布其腹心

及先王之經而諸侯實深圖之昔先王之命

曰王后無適則擇立長言王后無嫡子則年

鈞以德德鈞以下王不立愛君從是命不公

卿無私臣從是命不古之制也穆后及太子

早天即世單劉贊私立少以間先王亦唯伯

仲叔季指眾圖之閔馬父魯大聞子朝之辭

曰文辭以行禮也子朝于景之命景王在時

繼太子壽正位太子矣猛卒則次敬王為正

遠晉之大以專其志無禮甚矣文辭何為昭公

二十六年京師殺召伯盈尹氏固及原伯魯之子

皆子朝黨原伯魯不悅學尹固之復也與子朝奔

楚有婦人遇之周郊尤之曰處則勸人為禍

行則數日而反是夫也其遇三歲乎昭公二十九年

王使富辛與石張如晉○士彌牟營成

周

王使富辛與石張皆周大夫如晉請城成周即洛陽子

朝亂餘黨多在王城敬王畏之徙都成周以狹小故請城之天子曰天降

禍於周俾我兄弟並有亂心以為伯父憂我

一二親暱同姓甥舅異姓不皇啓處於今十

年勤戍五年余一人無日忘之閔閔焉如農

夫之望歲懼以待時閔閔憂貌如農夫憂飢望歲豐恐懼以待時平

伯父若肆大惠復二文之業晉文侯仇文公重耳弛周

室之憂徼文武之福以固盟主周自謂也宣昭令

名則余一人有大願矣昔成王合諸侯城成

周召誥所謂周公乃朝用書命庶殷侯甸男邦伯是也以為東都崇文

德焉今我欲徼福假靈於成王修成周之城

俾成人無勤諸侯用寧螯賊遠屏晉之力也
 其委諸伯父使伯父實重圖之俾我一人無
 徵怨于百姓而伯父有榮施先王庸之范獻
 子范鞅士匄之後謂魏獻子魏舒魏絳之後曰從
 王命以紓諸侯晉國無憂是之不務而又焉
 從事魏獻子曰善使伯音對曰天子有命敢
 不奉承以奔告於諸侯遲速衰也序於是焉
 在晉於是合諸侯之大夫於狄泉士彌牟大晉

夫營成周計丈數周圍丈數揣高卑度城高下度厚薄

量城內外厚薄仞溝洫仞溝洫之大小物土方以物為限而分取土也

議遠邇徒役之遠近量事期定事畢限期計徒庸約用人多

少慮財用書餼糧以令役於諸侯屬役賦丈

書以授帥而效諸劉子又屬各國所當役人數頒各國所當城丈

數書以授於諸侯大夫帥而效致於周卿士劉子使有定法劉子即劉文公也韓

簡子臨之以為成命時與城周之役者魯晉齊宋衛鄭曹莒薛杞小

邾凡十一國之大夫同受城三旬而畢乃歸

命於狄泉昭公三十二年

諸侯之戍

定公元年

齊高張後不從諸侯

高張齊大夫後

至不及從役

晉女叔寬曰周襄弘齊高張皆將不

免襄弘違天

天厭周弘欲遷都以延祚

高子違人

諸侯相率以崇

天子而高子後期

天之所壞不可支也衆之所為不

可奸也

哀三年周殺襄弘六年齊高張出奔

單鞮棄親用羈

周殺襄弘

單獻公

成王少子臻之後食采於單世為周卿士

棄親用羈

寄旅也

為襄頃之族所殺

昭公七年

鞮簡公

亦周卿士食采於鞮

其子弟而好用遠人鞮氏之羣子弟賊簡公

定公二年

劉氏

周卿士劉氏後

范氏

晉卿士會之後

世為婚

姻襄弘事劉文公

弘為劉文公屬大夫

故周與范氏

與助

也周助范吉射叛晉

趙鞅以為討周人殺襄弘

哀公三年

魯

姬姓出自周文王第四子周公旦佐文武成王有大勲勞於天下成王命為太宰留相天子主自陝以東諸侯封其長子伯禽於曲阜為魯公地方七百里本少皞之墟傳十三世隱公入春秋終哀公獲麟後又傳九君二百三十三年而

頃公讎為楚考烈王所滅

考烈王所滅

隱公

名息姑惠公庶長子母聲子在位十一年為弟桓公所弑謚法不尸其位

曰隱

隱公不書即位

惠公元妃孟子孟子卒繼室以聲子

元妃卒則聲子

攝治內事

生隱公宋武公生仲子仲子生而有文

在手曰為魯夫人故仲子歸於我生桓公仲

子有寵惠公欲以仲子為夫人以桓為嫡嗣

惠公薨隱公探先君之意立桓為嫡子以其

幼也故已攝位而帥國人奉桓

穀梁子曰春秋貴義而不貴惠信道而不信

邪信作申

孝子揚父之美不揚父之惡先君之

欲與桓非正也邪也

據禮諸侯不再娶於禮無二嫡惠公元妃既卒

繼室以聲子則是攝行內主之事矣仲子亦

惠公之妾安得為夫人母非夫人則桓乃隱

之庶弟安得謂嫡子為當立乎惠公之欲與

桓邪心也隱公不當成父之邪而揚其惡
雖然既勝其邪心以與隱矣已探先君之邪
志而遂以與桓則是成父之惡也兄弟天倫

也為子受之父為諸侯受之君已廢天倫而忘君父以行小惠曰小道也若隱者可謂輕千乘之國蹈道則未也

宰咺歸賄

元年秋七月天王使宰咺來歸惠公仲子之

賄車馬曰賄貨財曰賄衣被曰綖貝玉曰含緩惠公死已久且子氏未

薨子氏即仲子桓母明年薨故名咺乃冢宰書名貶也天子七月而

葬同軌畢至諸侯五月同盟至大夫三月同

位至士踰月外姻至以上釋贈死不及尸弔

生不及哀釋子氏豫凶事贈死者不及尸而先贈弔生者不待哀而先弔以上

釋子氏非禮也

祭伯來

冬十二月祭伯來穀梁子曰寰內諸侯聘弓

鏃矢不出竟場束脩之肉不行竟中有至尊

者不貳之也

臧僖伯諫觀魚

五年春公將觀魚于棠臧僖伯

即公子彊食邑於臧因以

為氏魯孝公之子也臧哀伯臧文仲臧賈臧武仲臧昭伯皆其後云諫曰凡物

不足以講大事其材不足以備器用則君不

舉焉君將納民於軌物者也故講事以度軌

量謂之軌取材以章物采謂之物不軌不物

謂之亂政亂政亟也數行所以敗也故春蒐蒐

禽獸不孕者夏苗為苗除害秋獮殺以順秋氣冬狩狩圍守也獲則

守之無所擇也皆於農隙以講事也三年而治兵入

而振旅歸而飲至至廟而飲以數軍實昭文章

車服

旌旗之彩畫明貴賤辨等列王執路鼓載大常下大綏諸侯執賁鼓載

旂下小綏順少長出則少者前趨敵之義入則少者後殿師之義習威儀

也自春蒐起應上講事以度軌意鳥獸之肉不登於俎肉不足供

祭祀皮革齒牙骨角毛羽不登於器材不足為器用則

公不射自鳥獸起應上取材以章物意古之制也若夫山林

川澤之實器用之資阜隸之事官司之守非

君所及也公曰吾將略地焉遂往陳魚而觀

之僖伯稱疾不從冬十有二月僖伯卒公曰叔父有憾於寡人寡人不敢忘葬之加一等

無駭賜展氏

八年冬十有二月無駭卒

無駭魯孝公庶子展之孫夷伯之子

也柳下惠展禽展喜展莊叔展瑕皆其後也

羽父

公子翬也請謚與族

族即氏也

公問族於眾仲眾仲對曰天子建德有

立

德為諸侯

因生以賜姓

姓是總昌頭如舜生媯汭陳賜為媯姓今按姓生也

以此為祖今之相生雖下及百世而此姓不改則生非但指居士如吞薏苡故夏姓妣之

類皆是也

胙之土而命之氏

建置社稷曰胙如胡公封陳即為陳氏

諸侯以字為謚

謚當作氏

因以為族

氏以別貴賤賤者有名無

氏別而稱之謂之氏合而言之則曰族為氏因以為族謂諸侯之臣以所出祖之字為氏後世就以為族諸侯降於天子故官有世功

則有官族

如晉士氏中行氏

邑亦如之

如晉魏氏趙氏

公命

以字為展氏

無駭公子展之孫故以字為展氏

滕薛爭長

十一年春滕侯薛侯來朝爭長薛侯曰我先

封薛祖奚仲黃帝之後夏所封在周前滕侯曰我周之上正也

滕乃文王子叔繡後卜正上官之長也薛庶姓也我不可以後

之公使羽父請于薛侯曰君與滕君辱在寡

人周諺有之曰山有木工則度之賓有禮主

則擇之周之宗盟異姓為後寡人若朝薛不

敢與諸任任薛之宗姓齒君若辱貺寡人則願以

滕君為請薛侯許之乃長滕侯

鍾巫之難

羽父請殺桓公將以求大宰官名公曰為其少

故也吾將授之矣授桓位使營菟裘吾將老焉

菟裘邑名言欲退老於菟裘之邑羽父懼反譖公于桓公而

請弑之公之為公子也與鄭人戰于狐壤止

焉君獲曰止隱公為太子時嘗見獲於鄭鄭人囚諸尹氏鄭大夫

賂尹氏而禱於其主鍾巫尹氏所主祭之神遂與尹

氏歸而立其主立鍾巫于魯十一月公祭鍾巫齊

于社圃社圃園名館于寯氏寯音委魯大夫家壬辰羽父

使賊弒公子寯氏立桓公而討寯氏有死者

桓公

名軌史記名允惠公子隱公弟母仲子夫人文姜弒隱自立在位十八年

謚法闢土服遠曰桓

取郕大鼎于宋

二年夏四月取郕大鼎于宋戊申納于大廟

宋督弒殤公三月會齊陳鄭于稷立華督以成宋亂宋賂以郕鼎曰取者非其有而得也納者不受而強致之辭

臧哀伯 僖伯之子 **諫曰君人者**

將昭德塞違以照臨百官猶懼或失之故昭

以茅蓋屋著儉也清廟肅然清靜

之稱

大路越席

大路玉路祀天車也越席結蒲草為席

大羹

不致

大羹肉汁不致五味

粢食不鑿

不精

昭其儉也

此

者皆示儉

衮冕黻珽

衮畫衣也冕冠也黻韋鞞以蔽膝也珽玉笏也

反 **帶裳幅舄**

帶革帶也衣下曰裳幅如今行滕舄復履也

衡紕紘

紕

衡維持冠者紕冠之垂者所以懸珽紕冠纓從上而下結於頷者紕冠上覆

敢反 **昭其度也**

尊卑各有制度

藻率鞞鞞

藻率以韋為之畫以藻飾所以藉玉也王五采公侯伯三采子男二采鞞佩刀之鞘也鞞

鞞下飾也。○率音律。鞞音丙。○鞞音琫。鞞屬游纓。鞞紳帶也。一

帶之垂者游旌旗之游。○鞞音琫。鞞屬游纓。名大帶。屬大

龍黼黻。火畫火也。龍畫龍也。白與黑謂之黼。兩已相戾。

昭其文也。以文章。五色比象。昭其物也。車服

之有五色皆以比象天地四方。以錫鸞和鈴。示器物不虛設。○比并是反。○

昭其聲也。錫在馬額。鸞在鑣。和在衡。鈴在旂。動皆有鳴聲。○錫音揚。馬面當盧。

三辰旂旗。昭其明也。三辰日月星也。畫於旂旗象天之明。夫德

儉而有度。登降有數。登降謂上。文物以紀之。下尊卑。

聲明以發之。以臨照百官。百官於是乎戒懼。

而不敢易紀律。今滅德立違。謂立華督。而寘

其賂器於大廟。以明示百官。百官象之。其又

何誅焉。國家之敗。由官邪也。官之失德。寵賂

章也。郛鼎在廟。章孰甚焉。武王克商。遷九鼎

于雒邑。九鼎殷所受。夏九鼎也。義士猶或非之。蓋伯夷

而況將昭違亂之賂器於大廟。其若之何。公

不聽。周內史聞之。曰。臧孫達。其有後於魯乎。

君違不忘諫之以德

僖伯諫隱觀魚其子哀伯諫桓納鼎積善之家

必有餘慶故曰其有後於魯乎

大雩不時

五年秋大雩

月今仲夏之月命有司為民祈祀山川百源大雩帝用盛樂雩

者吁嗟求雨之祭也為壇於南郊之旁

書不時也凡祀啓蟄而

郊

建寅

龍見而雩

東方七宿為蒼龍建午月見南方則雩

始殺

而嘗

建申

閉蟄而烝

建亥

過則書

子同生

六年九月丁卯子同生以太子生之禮舉之

接以太牢卜士負之士妻食之公與文姜宗

婦名之公問名於申繻

魯大夫

對曰名有五有

信有義有象有假有類以名生為信

若虞叔季反生

而有文在手

以德命為義

若文王名昌知其必昌

以類命為

象

若孔子首象尼丘名丘

取於物為假

若伯魚因人饋魚曰鯉

取

於父為類不以國不以官不以山川不以隱

疾不以畜牲不以器幣周人以諱事神

君父卒不

敢稱其各名終將諱之故以國則廢名以官則廢職以山川則廢主以畜牲則廢祀以器幣則廢禮是以大物不可以命公曰是其生也與吾同物與公同日故曰同物命之曰同用取於父為類義

傳疑之體

十四年夏五○穀梁子曰孔子曰聽遠音者聞其疾而不聞其舒望遠人者察其貌而不察其形立乎定哀以指隱桓隱桓之日遠矣

夏五傳疑也

御廩災而嘗

秋八月壬申御廩災之亥嘗○穀梁子曰志不敬也天子親耕以供粢盛王后親蠶以供祭服國非無良農工女也以為人之所盡事其祖禰不若以已所自親者也甸粟而內之

三宮三宮米而藏之御廩甸甸師掌耕耨籍田之官也書甸服

內四百里納粟三宮三夫人宮也宗廟之禮君親割夫人親春夫嘗必有兼

旬之事焉壬申御廩災乙亥嘗以為未易災之餘而嘗也

桓公薨于齊

十八年春王正月公會齊侯于濼音洛公與夫

人姜氏如齊申繻曰女有家男有室無相瀆也謂之有禮易此必敗公及文姜至齊齊侯通焉公諱之以告夏四月丙子享公使公子彭生乘公公薨於車魯人告於齊曰寡君畏

君之威不敢寧居來脩舊好禮成而不反無所歸咎惡於諸侯請以彭生除之言魯見殺之惡聞於

諸侯齊人殺彭生

莊公

名同桓公子母文姜夫人哀姜年十四卽位在位三十二年卒謚法勝敵

克亂曰莊

公敗齊師于長勺

十年春齊師伐我公將戰曹劌音貴魯人請見其

鄉人曰肉食者謀之又何間焉劌曰肉食者

鄙未能遠謀乃入見問何以戰公曰衣食所
安弗敢專也必以分人對曰小惠未徧民弗
從也公曰犧牲玉帛弗敢加也必以信對曰
小信未敷神弗福也公曰小大之獄雖不能
察必以情對曰忠之屬也可以一戰戰則請
從公與之乘戰于長勺公將鼓之劓曰未可
齊人三鼓劓曰可矣齊師敗績公將馳之劓
曰未可下視其轍登軾而望之曰可矣遂逐
齊師既克公問其故對曰夫戰勇氣也一鼓
作氣再而衰三而竭彼竭我盈故克之夫大
國難測也懼有伏焉吾視其轍亂望其旗靡
故逐之

曹劓劫柯之盟

十三年冬始及齊平公將會齊侯桓于柯曹

子即劓也進曰君之意何如莊公曰寡人之生

則不若死矣齊強魯弱數為困辱曹子曰然則君請當

其君臣請當其臣莊公曰諾于是會乎齊桓

莊公升壇曹子手劍而從之隨莊公上壇造桓公前而脅之

管子進曰君何求乎曹子曰城壞壓竟君不

圖與壓猶臨也逼迫之意言魯弱遭兵伐深入城邑敗壞而壓逼竟齊當為魯謀也

管子曰然則君將何求曹子曰願請汶陽之

田魯地為齊侵者管子顧曰君許諾桓公曰諾曹子

請盟桓公下與之盟已盟曹子操劍而去之

要盟可犯而桓公不欺曹子可讎而桓公不

怨桓公之信著乎天下自柯之盟始焉

公如齊觀社

二十三年夏公如齊觀社齊因祀社蒐軍實以夸示威眾故公

往觀非禮也曹劌諫曰不可夫禮所以整民

也故會以訓上下之則制財用之節謂會以教諸侯

尊卑之法朝以正班爵之義帥長幼之序征

伐以討其不然不朝不會諸侯有王有述職于王

王有巡狩以大習之非是君不舉矣君舉必

春秋左傳卷二

四十三

郭志李

書書而不法後嗣何觀

丹楹刻桷

二十三年秋丹桓公之楹二十四年春刻其

桷時將逆夫人姜氏於齊故為盛飾以誇示之皆非禮也御孫諫

曰魯大夫臣聞之儉德之共也侈惡之大也先

君有共德而君納諸大惡無乃不可乎○穀

梁子曰秋丹桓公楹禮天子諸侯黝堊黝黑色堊

白也口切大夫倉士黈黃色丹楹非禮也春三月

刻桓公桷禮天子之桷斲之礲之以細石磨之加密石焉

諸侯之桷斲之礲之大夫斲之士斲

本刻桷非正也夫人所以崇宗廟也取非禮

與非正而加之於宗廟以飾夫人非正也言

桓宮以惡莊也桓見弑於齊莊公不能復父

之讐言反娶讐人之女而又崇飾宗廟以誇示之故惡莊為不子也絀閔孫邾之禍基於此

矣○秋哀姜至公使宗婦覲用幣非禮也宗婦

同宗大夫之妻也禮夫人至大夫郊迎明日執贄以見大夫見於廟宗婦覲於內御

孫曰男贄大者玉帛小者禽鳥以章物也

公侯

伯子男執玉諸侯世子附庸孤卿執帛卿執羔取其羣而不失其類大夫執鴈取其候時而行士執雉取其守介而死不

失節庶人執鶩取其不飛遷也

女贄不過榛栗棗脩以告虔也今男女同贄是無別也男

女之別國之大節也而由夫人亂之無乃不可乎

可乎

鼓用牲于社

二十五年夏六月辛未朔日有食之鼓用牲

于社○公羊子曰日食以朱絲營社或曰脅

之或曰為闇恐人犯之故營之

朱絲南方陽色圍社以脅

之抑陰助陽也或以為日食昏暗恐人犯社故營之以尊敬社也

穀梁子曰

鼓禮也用牲非禮也天子救日置五麾陳五

兵五鼓諸侯置三麾陳三鼓三兵大夫擊門

士擊柝言克其陽也

臧孫辰告糴于齊

二十八年冬築郿○大無麥禾

麥熟於夏禾成在秋而書

於冬者莊公惟宮室臺榭是崇有司歲抄會計知倉廩竭也臧孫辰告糴

于齊○穀梁子曰古者稅什一豐年補敗不

外求而上下皆足也雖累凶年民弗病也一

年不艾而百姓饑君子非之○二十九年春

新作延廐馬之所處謂之廐延廐名也○穀

梁子曰古之君人者必時視民之所勤民勤

於力則工築罕民勤於財則貢賦少民勤於

食則百事廢矣冬築郿春新延廐以其用民

力為已悉矣○秋有蜚○冬城諸及防凡土

功龍見而戒事建戌之月角亢晨見東方火

見而致用心為大火亥月之初心星晨水昏

正而裁水營室星也謂今十月而昏日至而

畢日南至陽生○三十一年春築臺于郎

築臺于薛○秋築臺于秦郎薛秦皆魯邑

季友酖叔牙 慶父弒子般

初公築臺臨黨氏音掌氏魯大夫見孟任黨氏女從之

闕公見其美欲從而以夫人言許之許以為

割臂盟公生子般焉習雩禮講于梁氏於梁氏女

公子觀之子般之妹圉人養馬者犖音洛自墻外與之

戲子般怒使鞭之三十一年公疾問後於叔

牙對曰慶父材叔牙慶父皆桓公庶子同母兄弟也問於季友

對曰臣以死奉般音班季友亦桓公同母公曰鄉

者牙曰慶父材季友使以君命命叔牙待于

鍼巫氏使鍼季醜之季友知叔牙將黨於曰

飲此則有後於魯國不然死且無後飲之卒

立叔孫氏叔牙飲醜卒立其子公孫茲因父之字為氏故曰叔孫氏又曰叔仲

氏叔孫得臣叔孫僑如叔孫豹叔孫婁八月

癸亥公薨于路寢子般即位次于黨氏冬十

月己未慶父使圉人犖賊子般于黨氏成季

奔陳成季即季友成謚也慶父誅鄧扈樂而歸獄焉鄧扈

樂即圉人犖也

閔公名啓方哀姜之娣叔姜之子莊公庶子年九歲即位在位二年弒謚法在

國遭難
曰閔

仲孫湫來省難

元年秋八月公及齊侯桓盟于落姑請復季

友齊侯許之使召諸陳季子來歸齊侯使仲

孫湫無知之後來省難仲孫歸曰不去慶父魯難

未已公曰若之何而去之對曰難不已將自

斃君其待之公曰魯可取乎對曰不可猶秉

周禮周禮所以本也臣聞之國將亡本必先

顛而後枝葉從之魯不棄周禮未可動也君

其務寧魯難而親之親有禮因重固間携貳

覆昏亂霸王之器也

慶父弒閔公 哀姜遜于邾

初公傅奪卜音蟻魯大夫田公不禁二年秋八

月辛丑慶父使卜音蟻魯大夫齮賊公于武闈宮中門名成季

以僖公適邾慶父奔莒乃入立之以賂求慶

父于莒莒人逐之將由乎齊齊人不納却反

舍于汶水之上使公子奚斯入請請無殺已不許
 哭而往慶父聞之曰噫此奚斯之聲也吾不
 得入矣於是抗輶經而死閔公哀姜之姊叔
 姜之子也故齊人立之慶父通於哀姜哀姜
 欲立之閔公之死也哀姜與知之故遜于邾
 齊人取而殺之于夷以其召歸僖公請而葬
 之成季之將生也桓公法盜丘之父掌卜大夫
 之曰男也其名曰友為之公三輔及生有文在

其手曰友遂以命之成風聞成季之繇

聞其初生

之卜能為公室輔也

乃事之而屬僖公焉

以其子託於季友使援立

之故成季立之

成風莊公之妾僖公之生母也

高子來盟

高侯也

冬齊高子來盟○公羊子曰高子者何齊大

夫也何以不名喜之也何喜爾正我也其正

我柰何莊公死子般弑閔公弑比三君死曠

年無君設以齊取魯曾不與師徒以言而已

矣桓公使高子將南陽之甲以觀魯至則平
魯難立僖公而城魯魯人至今以為美談曰
猶望高子也

僖公

名申莊公子閔公庶兄母成風夫人
聲姜在位三十三年卒謚法小心畏

僖
忌曰

賜季友汶陽之田及費

莒人聞慶父之死也曰吾已得子之賊矣以
求賂于魯魯人不與興師而伐魯季友待之

謂莒挈曰吾二人不相說士卒何罪屏左右

而相搏獲莒挈

莒挈莒
之將也

公賜季友汶陽之田

及費是為季氏

僖公感季友援立之恩生而
賜氏廣其封邑俾世為魯卿

季文子季武子季公鉏季悼子季平子季桓
子季昭伯季康子穆伯靖公父文伯季昭子
公鳥皆
其後云

震夷伯之廟

德厚流光

十五年九月己卯晦震夷伯之廟於是展氏

有隱慝焉

夷伯乃展無駭之父公于展之子
夷謚伯字也言天震夷伯廟蓋以

展氏有隱惡非人所見故震其廟以彰之 ○穀梁子曰夷伯魯大

夫也因此以見天子至于士皆有廟天子七

廟諸侯五大夫三士二故德厚者流光德薄

者流卑是以貴始德之本也始封必為祖

臧文仲諫焚巫尪

二十一年夏大旱公欲焚巫尪

巫女巫主祈禱請雨者尪

瘠病之人

臧文仲曰非旱備也修城郭貶食

省用務嗇勸分此其務也巫尪何為天欲殺

之則如勿生若能為旱焚之滋甚公從之是

歲也饑而不害

及邾人戰于升陘

邾人滅須句

風姓太皞之後

須句子來奔因成風也

成風須句女也

成風為之言於公曰崇明祀保小寡

周禮也蠻夷猾夏周禍也若封須句是崇皞

濟

須句蓋主太皞與有濟之祀

而脩祀紓禍也二十二年

春公伐邾取須句反其君焉秋八月邾人以

須句故出師公卑邾不設備而禦之臧文仲
 曰國無小不可易也無備雖眾不可恃也詩
 曰戰戰兢兢如臨深淵如履薄冰又曰敬之
 敬之天維顯思命不易哉先王之明德猶無
 不難也無不懼也況我小國乎君其無謂邾
 小盜蠱有毒而況國乎弗聽公及邾師戰于
 升陘我師敗績邾人獲公胄縣諸魚門

展喜犒齊師

二十六年齊孝公

桓公之子

伐我北鄙公使展喜

犒師使受命于展禽

展禽即柳下惠展無駭之子展喜即柳下惠之

弟皆魯大夫

齊侯未入境展喜從之曰寡君聞君

親舉玉趾將辱于敝邑使下臣犒執事齊侯
 曰魯人恐乎對曰小人恐矣君子則否齊侯
 曰室如懸磬野無青草何恃而不恐對曰恃
 先王之命昔周公太公股肱周室夾輔成王
 成王勞之而賜之盟曰世世子孫無相害也

載在盟府太師職之桓公是以糾合諸侯而謀其不協彌縫其闕而匡救其災昭舊職也及君即位諸侯之望曰其率桓之功我敝邑用不敢保聚曰豈其嗣世九年而棄命廢職其若先王何恃此不恐齊師乃還

介葛盧來朝 宰周公來聘

二十九年冬介葛盧來朝

介東夷國葛盧介君名也

禮之

加燕好

燕燕禮也

介葛盧聞牛鳴曰是生三

犧皆用之矣其音云問之而信○三十年冬

天王使宰周公閱來聘

以三公兼冢宰閱其名也

饗有昌

歠

祖感切菖蒲菹也

白黑

白熬稻黑熬黍

形鹽

鹽形象獸

辭曰國

君文足昭也武可畏也則有備物之饗以象

其德薦五味

謂曰也

羞嘉穀

謂白黑也二者所以象其文

鹽

虎形

謂形鹽所以象其武也

以獻其功

獻旌表之也

吾何以

堪之

四卜郊 三望

三十一年夏四月四卜郊不從乃免牲猶三

望祭泰山河海也天子有方望魯殺天子故三望然郊望皆非得為○公羊

子曰四卜郊非禮也卜郊何以非禮魯郊非

禮也天子有方望之事無所不通諸侯山川

有不在其封內者則不祭也方望謂郊時所望祭四方羣神

日月星辰風伯雨師五岳四瀆及餘山川凡二十六所盡四方故曰無所不通三望

者何望祭也祭泰山河海曷為祭泰山河海

山川有能潤于百里者天子秩而祭之觸石

而出膚寸而合不崇朝而遍雨乎天下者惟

泰山耳側四指曰膚言雲觸石由而即河海

潤於千里猶者何可以已也何以書譏不郊

而望祭也

國歸父來聘

三十一年春齊侯使國歸父來聘自郊勞以

至于贈賄禮成而加之以斂臧文仲言於公

曰國子為政齊猶有禮時齊侯昭公也君其朝焉臣

聞之服於有禮社稷之衛也

隕霜不殺草

冬十有二月隕霜不殺草李梅實○穀梁子

曰隕霜不殺草未可殺而殺舉重也可殺而

不殺舉輕也輕指草言草尚不殺他物可知李梅實實之為

言猶實也

文公

名興僖公之母聲姜夫人出姜在位十八年卒謚法慈惠愛民曰文

叔服會葬

元年二月天王使內史叔服來會葬時葬僖公

孫敖慶父之子聞其能相人也見其二子焉叔服

曰穀也食子即長子文伯難也收子即次子惠伯

謂送死也穀也豐下必有後於魯國穀生孟獻子獻子生孟莊

子世有良德後果昌焉

閏三月

閏三月非禮也曆法閏當在僖公末年誤於今年三月置閏下文因論曆

法先王之正時也履端於始碁三百六十又六日日與天會

為一年以二十四氣分為十二月每月得二氣推時之端於始如立春為正月節是也

舉正於中舉時之正氣於月中必當其月蓋中氣只在月中若積而在月終其

後月便當置閏如雨以氣盈朔虛數之餘零者歸餘於終

積而履端於始序則不愆四時之序無過失舉正於

終民則不惑閏後之月中氣在朔則斗柄月初巳指所建之辰閏前之月中

氣在晦則斗柄月末方指所建之辰故舉月事農桑之類

之正氣於中則斗柄常不失其所指之次寒暑有常而歸餘於終事則不悖歸餘置閏則

民不惑矣生長收藏得其正故事不悖也

公孫敖如齊

夏四月公孫敖伯如齊始聘焉禮也凡君

即位卿出並聘踐脩舊好要結外援好事鄰

國以衛社稷忠信卑讓之道也

躋僖公

二年秋八月丁卯大事于太廟躋僖公逆祀

也僖雖為兄繼閔然嘗為臣義猶父子於是

夏父弗忌為宗伯尊僖公且明見曰吾見新

鬼大故鬼小先大後小順也躋聖賢明也明順禮也君子以為失禮禮無不順祀國之大事也而逆之可謂禮乎子雖齊聖不先父食久矣故禹不先鯀湯不先契文武不先不窟宋祖帝乙鄭祖厲王猶上祖也仲尼曰臧文仲其不仁者三不知智者三下展禽文仲知柳下惠之賢而不與立廢六關塞關陽關之屬凡所以使在已下三不仁也作虛器謂居蔡縱逆祀與細民爭利

聽夏父躋僖公祀爰居海鳥止魯文仲命祀之三不智也○公

羊子曰逆祀何先禰而後祖也穀梁子曰逆祀則是無昭穆也無昭穆則是無祖也無祖則無天也故曰文無天無天者是無天而行也君子不以親親害尊尊此春秋之義也胡安國曰閔僖二公親則兄弟分則君臣以為逆祀者兄弟之不先君臣禮也故公羊曰逆祀先禰而後祖也閔僖非祖禰而謂之祖禰

者何臣子一例也夫有天下者事七世諸侯
 五世說禮者曰世指父子非兄弟也然三傳
 同以閔公為祖而臣子一例是以僖公父事
 閔公為禮而父死子繼兄亡弟及名號雖不
 同其為世一也

文公納幣

公子遂如齊納幣○公羊子曰納幣不書此
 何以書譏喪娶也娶在三年之外則何譏乎

喪娶三年之內不圖婚

僖以去年十二月薨至此未滿二十五月

娶雖在明年三年外然此納幣圖婚則在三年之內矣故譏之 ○四年逆婦

姜于齊卿不行非禮也君子是以知出姜之

不允於魯也

文公薨而見出故曰出姜

閏月不告朔

六年夏閏月不告朔非禮也閏以正時時以
 作事事以厚生生民之道於是乎在矣不告
 閏朔棄時政也何以為民

趙衰趙盾執賢

七年狄侵我西鄙公使告于晉趙宣子也使

因賈季問酆舒且讓之時晉賈季奔狄酆舒即狄相讓責也酆

舒問於賈季曰趙衰趙盾執賢對曰趙衰冬

日之日也言可畏趙盾夏日之日也言可畏

公孫敖如莒

穆伯公孫敖娶于莒曰戴已生文伯殺其姊

聲已生惠叔難戴已卒又聘于莒莒人以聲

已辭則為襄仲聘焉即公子遂莊公之子敖之從兄弟也七年

冬徐伐莒莒人來請盟公孫敖如莒涖盟且

為仲逆及鄆陵登城見之美自為娶之仲請

攻之公將許之叔仲惠伯叔牙孫諫曰臣聞之

兵作於內為亂於外為寇寇猶及人亂自及

也今臣作亂而君不禁以落寇讎若之何公

止之惠伯成之平二子之怨使仲舍之舍不娶公孫

敖反之還莒女復為兄弟如初八年春公孫敖

如周平喪

時襄王崩

不至以幣奔莒從已氏焉

之敖

淫心終不改

魯人立其長子文伯穀教生二子於

莒而求復

求復歸於魯

穀以為請

請復其父

復而不出

歸魯而不得與政故不出朝

三年而盡室以適莒

復盡其室之所

有而適莒從已氏

文伯疾而請曰穀之子弱

即孟獻子

請

立難也

請立弟惠叔

許之文伯卒立惠叔公孫敖

請重賂以求復

又求歸魯

許之將來十四年九月

卒于齊告喪請葬弗許

惠叔請其父喪歸魯以禮葬而魯不許也

齊人飾棺寘之堂阜惠叔猶毀以為請

哀毀以示

戚

立於朝以待命許之取而殯之聲已不視

即敖妻

帷堂而哭

怨敖從莒女故帷堂而哭

襄仲欲勿哭惠

伯曰喪親之終也雖不能始善終可也史佚

有言曰兄弟致美救乏賀善弔災祭敬喪哀

情雖不同母絕其愛親之道也子無失道何

怨於人襄仲悅帥兄弟哭之他年其二子來

莒女生

孟獻子

穀之子也

愛之

愛二叔

聞於國或譖

之曰將殺子

言二子將殺獻子

獻子以告季文子二

子曰夫子以愛我聞我以將殺子聞不亦遠

於禮乎遠禮不如死一人門于句鮑一人門

于戾丘皆死

時有寇攻門二子禦之皆死

○按魯桓公庶子慶父生穆

伯公孫敖慶父字仲以字為仲孫氏為弒閔

公故諱弒君之罪更為孟氏文伯孟也穀惠

叔孟孫難孟獻子孟莊子孟孺子孟孝伯孟

僖子孟懿子南宮敬叔孟公期孟武伯孟敬

子孟之友孟懿伯子服惠伯子服昭伯子服景伯皆其後云

叔孫得臣敗狄于鹹

十一年冬十月甲午叔孫得臣敗狄于鹹○

穀梁子曰不言帥師而言敗何也直敗一人

之辭也一人而曰敗何也以眾焉言之也雖言

一人足以當眾

傳曰長狄也

比方有長狄號鄭瞞弟

兄三人

鄭瞞國弟兄三人謂

佚宕中國

佚宕

同蕩謂放縱無忌猶言橫行也

瓦石不能害叔孫得臣最善

射者也射其自身橫九畝斷其首而載之眉

見於軾

此所殺者即長狄僑如也

毀泉臺

十六年有蛇自泉宮出入于國如先君之數

伯禽至僖公十七 秋八月辛未聲姜薨 僖公夫人

君蛇之文如之 文公 母也 毀泉臺 以蛇妖所出故毀 ○公羊子曰毀泉臺

何以書譏何譏爾築之譏毀之譏先祖為之

已毀之不如勿居而已矣 毀之是暴揚先祖之失

仲遂拜穀之盟

十七年夏四月齊侯 懿 伐我北鄙仲遂請盟

六月盟于穀仲遂如齊拜穀之盟復曰臣聞

齊人將食魯之麥 言將伐魯而食其麥 以臣觀之將不

能齊君之語偷臧文仲曰民主偷必死十八

年春齊侯戒師期 將伐魯 而有疾醫曰不及秋

將死公聞之卜曰尚無及期 庶幾齊侯先 惠

伯令龜 以下事 卜楚丘 楚丘人名知 占之曰

齊侯不及期非疾也 是年夏齊懿公果 君亦

不聞 魯君先死 今龜有咎 言惠伯所今龜 二

月丁丑公薨于臺下

公子遂殺太子惡及視 出姜歸齊

文公次妃敬嬴生宣公庶敬嬴嬖而私事公

子遂知仲遂之權足以奪嫡立庶故事而屬之即前成風屬僖公於季友之故智也

以宣公屬之公子遂欲立之叔仲不可即惠伯叔

牙孫仲遂見于齊侯而請之齊侯新立而欲親

魯許之太子惡是齊甥齊許廢惡立宣公者以宣本非嫡而得國必感已之深也

冬十月公子遂殺太子惡及視視乃太子惡之同母弟也

而立宣公夫人姜氏歸于齊大歸也惡視之母出姜

也將行哭而過市曰天平仲公子遂為不道殺

嫡立庶市人皆哭魯人謂之哀姜

宣公名倭一名接文公妾敬嬴之子夫人穆姜在位十八年卒謚法善問周達

宣曰

萬入去籥

八年夏六月公子遂如齊至黃乃復辛巳有

事于太廟仲遂卒于垂齊地壬午猶繹萬入去

齋此公子遂也莊公庶子居東門號曰東門

襄仲一曰仲遂遂生公孫歸父歸父有二子一為子家氏一為仲氏仲嬰齊懿伯非禮

子家羈皆其後也生而賜氏俾世其官

也禮大夫卒當祭則不告終事而聞則不繹魯人知卿佐之喪不宜作樂而不知廢繹

失敬大臣戊子夫人嬴氏薨冬十月己丑葬

敬嬴雨不克葬庚寅日中而克葬旱無麻始

用葛紼紼所以引柩殯則以備火葬則以下棺當用麻今用葛為之記禮之變始

此公孫歸父會齊侯于穀

十四年公孫歸父仲遂之子會齊侯項公于穀見晏

桓子晏平仲父與之言魯樂音洛指勢位也桓子告高固

曰子家其亡乎子家歸父之字也懷於魯矣懷必貪

貪必謀人謀人人亦謀已一國謀之何以不

亡孟獻子言於公曰臣聞小國之免免禍於大

國也聘而獻物於是有庭實旅百朝而獻功

於是容貌采章嘉淑而有加貨謀其不免

也誅而薦賄則無及也今楚在宋時楚莊王方圍宋見

宋君其圖之公說傳言楚強而魯畏之次年春公孫歸

父會楚子于宋從獻子之言也胡氏謂魯不能仗義攘夷至於薦賄謝不

免夷夏盛衰可知矣

初稅畝

十五年初稅畝冬稼生饑初稅畝非禮也穀

出不過籍籍借也借民力以耕公田十以豐

財也冬稼生饑幸之也始稅畝幸天道之即應庶幾宣公遇變而

改也穀梁子曰私田稼不善則非吏非責也吏田峻

也言吏急民使不得營私田公田稼不善則非民初稅畝

者非公之去公田而履畝十取一也以公之

與民為已悉矣古者公田為居井竈葱韭盡

取焉減損其廬舍家作一園以種五菜外種欺桑以備養生送死

公弟叔盼卒叔盼文公子宣公弟子孫以其字為氏是為叔氏聲

伯子叔嬰齊子叔老敬子叔弓伯張叔轍叔鞅叔詣定伯閱西巷敬叔成子還

叔青皆其後云

十七年冬十一月壬午公弟叔盼卒○穀梁

子曰其曰公弟叔盼賢之也其賢之何也宣
弑而非之也非之則胡為不去也曰凡弟也
與之財則曰我足矣織履而食終身不食宣
公之食君子以是為通恩也所以取貴乎春

秋

論情可以明親親言義可
以厲不軌故稱字以表之

公孫歸父還自晉至笙遂奔齊

公孫歸父以襄仲之立公也有龍欲去三桓
以張公室十八年與公謀而聘於晉欲以晉

人去之冬十月壬戌公薨季文子言於朝曰

使我殺適立庶以失大援者

子惡乃齊甥失齊援

仲也

夫臧宣叔怒曰

名許即文仲之子武仲之父為魯司寇

當其時

不能治也後之人何罪子欲去之許請去之

避司寇之位而去不忍也

遂逐東門氏

襄仲居東門氏故曰東門氏

歸父

還自晉至笙

笙魯境上

壇帷復命於介既復命袒

括髮即位哭三踊而出遂奔齊

春秋貫玉卷一上終

